



ТАНЫ ЧӨЛӨӨТ ЦАГТ

ЦАХИМ ҮЕРХЭЛ БА ӨШӨӨ АВАЛТ

2013 онд Мичиган мужийн оршин суугч, 29 настай Хилэ өөрийн бүтэлгүй онлайн дурлалаасаа болж, 5 жилийн хорих ял шийтгэгджээ.

Брайн Куртис Хилэ 2011 онд нэгэн эмэгтэйг найз залуугийн хамтаар хөнөөх зорилготойгоор Мичиганаас Сан-Диего хот руу явсан бөгөөд хосууд өөрсдийгөө Хилэгийн хайр дурлалын явдалтай орооцолдсон болохыг мэдээгүй байна.

Хилэ нь олон нийтийн сүлжээ ашиглан хуурамч аккаунт үүсгэж, өөр хүний дүрд хувирч хүмүүстэй танилцдаг хүний урхинд орсон бөгөөд 2 жил интернэтээр үерхсэн эмэгтэйтэйгээ эрэгтэй хүн гэдгийг мэдэлгүй илэн далангүй харьцаж, олон төрлийн зураг, романтик мессэж илгээдэг байжээ. Гэтэл харилцдаг эмэгтэйгээ Өмнөд Африкт амьдардаг, эрэгтэй хүн гэдгийг мэдсэний дараагаар Хилэ ихэд уурласан бөгөөд өөрийг нь мэхэлсэн Африк эр болон уг хэрэгт “үүрэг гүйцэтгэсэн” эмэгтэй хоёрыг заавал олно хэмээн өөртөө амлалт өгчээ.

“Энэ тохиолдолд тус эмэгтэй хоёр удаа хохирогч болсон” хэмээн Сан Диего хотын Цагдаагийн хэлтсийн төлөөлөгч Ким хэлсэн. Цахим гэмт хэрэгтэй тэмцэх багийн төлөөлөгч Кимийн хэлж буйгаар – Хэдийгээр бүсгүй 18 настай байхдаа хувийн хэрэгцээндээ

зориулж нүцгэн зургаа авсан боловч хэсэг хугацааны дараагаар түүний онлайн аккаунтад байсан эдгээр зураг нь алга болсон байна. Алга болсныг мэдсэн боловч чухам ямар зориулалтаар ашиглагдаж байсныг бүсгүй мэдээгүй байжээ.

Хилэгийн өшөө авах гол байр нь түүнийг энэ бүх хугацаанд хуурч байсан Африк эр боловч Өмнөд Африк хэтэрхий хол байсан тул Хилэ эмэгтэйг уг хэрэгтэй огт холбоогүй гэдгийг мэдэж байсан боловч тэр эмэгтэйн зураг өөрт нь тохиолдсон уг хэрэгтэй холбоотой учраас бүсгүйг ямар нэгэн байдлаар хариуцлага хүлээх ёстой хэмээн эмэгтэйн араас явжээ.

Интернэт болон компьютер тоглоомын хорхойтон Хилэ эмэгтэйг хэн болохыг олж тогтоохоор шийдэж, интернэтээр маш их хайлт хийж, хууль бус нэвтрэх хэрэгсэл хүртэл ашигласны үр дүнд нь тэрээр бүсгүйн и-мэйл аккаунтыг хакердаж бүсгүйн талаарх хувийн мэдээлэл, гэр бүл найз нөхөд, найз залуугийнх нь мэдээлийг олж авчээ.

Бүсгүйн гэрийн хаягийг олсон Хилэ өшөөгөө авахын тулд Мичиганаас Сан Диего орох автобусны билет авчээ. Хилэгийн гэрийнхэн түүнийг ямар нэгэн юм сэдэж байгааг мэдэж, эрх бүхий газарт сэрэмжлүүлсний дүнд Хилэ

бүсгүйн гэрээс 1 км-ийн зайтай байхад баривчилж, Сан Диегод цагдан хорьжээ.

Хилэг баривчлах үед тэрэнд эмэгтэйн гэрийн хаяг, утасны дугаар, дуртай зоогийн газрын нэрс г.м хувийн мэдээлэл бүгд байснаас гадна скоч, олс, мөн хутга, хлороформ зэрэг зүйлс биедээ авч явжээ.

Төлөөлөгч Кимийн хэлж буйгаар хэрэгтэн хохирогчдыг гэмтээж эсвэл алж болох байсан бөгөөд 2013 оны 8 сард Сан Диегогийн Шүүхээс Хилэг гэм буруутайд тооцож, ял оногдуулсан байна.

Уг хэрэг бусад хүмүүст сануулга болно хэмээн төлөөлөгч Ким найдаж байгаа бөгөөд тэрээр “Хүмүүс интернэтээр хэнтэй харьцаж байгаагаа маш сайн мэдэх хэрэгтэй, хэрэв эсрэг хүнээ сайн мэдэхгүй бол хувийн мэдээлэл болон зургаа илгээхгүй байх”-ыг сануулж, “Интернэт бол маш гайхамшигтай боловч бас аймшигтай зүйл” хэмээн хэлжээ.

Маш олон залуучууд нэн ялангуяа өсвөр насны охид цахим гэмт хэрэг болох секс сүрдүүлгийн хохирогч болж байна. Иймд интернэт болон олон нийтийн сүлжээ ашиглахдаа сонор сэрэмжтэй байх хэрэгтэй.

Охид, залуучууд гэрэл зургаа илгээх нь ноцтой хор уршиг дагуулахыг ухамсарлахгүйгээс гадна нэгэнт интернэт, и-мэйлээр



эсвэл олон нийтийн сүлжээ сайт мэдээлэл нь эргээд хакеруудад
ашиглан явуулсан зураг байнга ашиглагдаж болох юм.
байдаг гэдгийг мэддэггүй.

Олон нийтийн сүлжээ, сайт
болон аккаунт дээрээ хувийн
мэдээллээ тавихгүй байх
хэрэгтэй. Аюулгүй мэт санагдах
боловч танд юу таалагддаг
(Likes) болон таалагддаггүй зэрэг

Эх сурвалж:

- <http://www.fbi.gov/п>

Орчуулсан: Баярсайханы
Энхжин

